

Ky dokument nuk është prova. Prova janë bajtët e ruajtur: HTML-ja e faqes, pamja e saj, dhe zinxhiri i hash-eve që i lidh. Kjo dëshmi është paraqitja e tyre, e prodhuar automatikisht. Verifikohet me kodin më poshtë **pa na pyetur ne**.

ARTIKULLI

TITULLI	Ish-shefja e SHISH nuk shantazhoi median, por kërcënoi armiqtë e saj
ADRESA	https://www.cna.al/opinione/ish-shefja-e-shish-nuk-shantazhoi-median-por-kercenoi-armiqt-e-e-saj-i475171
BURIMI	cna.al
GJENDJA	edited

KOHA


KAPUR NGA NE	25 shtator 2026, 11:19:43 UTC <i>Dritarja jonë e pasigurisë: ± 900 s — intervali me të cilin e kontrollojmë këtë burim.</i>
DEKLARUAR NGA PORTALI	25 shtator 2026, 11:10:00 UTC <i>Koha e deklaruar vjen nga pala që po vlerësohet. Ora jonë nuk preket prej saj, dhe të dyja shfaqen këtu të ndara.</i>

HASH-ET · SHA-256

PËRMBAJTJA	fbb64369a71b3d4d259d23ca6826103dad8ce01bcfdd73f747e64b1c434bc916
TEKSTI	c61f3be39f8756446896f236a11b0b202a4b9f1264550381735b8f5abb260768
PAMJA	0a37d890db3cb78c7a10e8bbda1af76687b3733ba7a83738d16dda084c351a1e

ZINXHIRI I PROVËS

KJO HYRJE	c3e95b8e77bbc857826f076b5184244a773d027a9c3954cc87abfcad2663c9e2
E MËPARSHMJA	—
RRËNJA MERKLE	9f67fd8f5341aacd98433415ae2bd1fabd75d8584ec60b7ea3d19ca47caca387
ANKORIMI	submitted — dërguar, ende pa bllok <i>Deri te blloku, kjo provon integritetin, jo kohën.</i>



SKANOJE PËR TA VERIFIKUAR

Kodi të nxjerr te eksploruesi i STAMLES. Ai regjistër nuk është yni: nëse serveri ynë bie nesër, vula mbetet aty ku është.

Faqja tregon njërën nga tri gjendjet — **nuk u gjet**, **në radhë**, ose **e konfirmuar** me bllokun, rrënjën Merkle dhe transaksionin në Polygon. Krahazo hash-in që gjen atje me atë të shtypur më lart: nëse përputhen, kjo kapje ekzistonte para asaj ore, dhe ne nuk mund ta kishim ndryshuar pas saj.

<https://scan.stamles.eu/verify/c3e95b8e77bbc857826f076b5184244a773d027a9c3954cc87abfcad2663c9e2>

PAMJA E FAQES

Renderuar nga HTML-ja jonë e ruajtur, jo nga rrjeti. **Riprodhon kopjen tonë, jo pamjen e atëhershme:** stilet dhe imazhet e largëta mund të mos ekzistojnë më ose të kenë ndryshuar.

Motori: chromium-stored+assets · dritarja 1280×1024 px



- [AKTUALITET](#)
- [POLITIKË](#)
- [KRONIKA](#)
- [EKONOMI](#)
- [SOCIALE](#)
- [DENONCIM](#)
- [STIL](#)
- [SPORT](#)
- [TECH](#)
- [KULTURE](#)
- [BLOG](#)
- [LIVESTREAM](#)



English
English

E fundit!

x

13:10 Opinione Lorenc Vangjeli

Ish-shefja e SHISH Vlora Hyseni u duk sikur u tradhtua nga...

Ish-shefja e SHISH, nuk shantazhoi median, por kërcënoi armiqtë e saj



25 Shtator 2026, 13:10, Opinione Lorenc Vangjeli





Ish-shefja e SHISH Vlora Hyseni u duk sikur u tradhtua nga nervat kur përmendi dy togfjalësh fatalë: "Agjentë serbë e dhomë hoteli". Pra, jo vetëm tradhti kombëtare si shërbesë, por edhe seks i ndaluar si shpërblësë. U duk gjithashtu edhe si një mënyrë gazmore e mendjelehtë për të relativizuar raportin e saj të mundshëm me të pandehurin e famshëm të dosjes që e ka mbërthyer brenda saj.

"Më akuzojnë mua, por dhe ju jeni njëllloj!". E parë kështu, shpjegimi është shumë sipërfaqësor, padyshim naiv dhe shumë banal për t'u gjykuar si shkarje e gojës që shket meqë nuk puth dot më.

Në të kundërt, ajo ishte një fjali krejtësisht e mirëllogaritur. Shantazhi i konsumuar publikisht nuk kishte në shënjestër gazetaren e njohur të kronikës. Reporterja ishte vetëm mikrofonit të cilën zonja Hyseni e përdori për të paralajmëruar luftë, hakmarrje dhe për të kërcënuar "listën e gjatë të armiqve që i kishin bërë gjëmën "çiftit".



Vlora Hyseni-gazetares: S'kam lënë takime me agjentë serbë në dhomat e hotelit, si ti

Ishte njëkohësisht edhe një ofertë e dëshpëruar për të shpëtuar çfarë mundet nga gërmadha penale e morale që i është shembur mbi kokë: Më mbani mbi gropë, ndryshe humnera ju pret edhe juve!

Brënjimi i frikshëm i zonjës Hyseni në vetëm 48 orë dramatike dhe ekspozimi i mesazheve personale të saj me zotin Agasi, është vetëm një episod kulmor dhe i pabesueshëm në një botë të çmendur shqiptare ku të gjithë kanë sekretet e tyre: jo vetëm komunikim me kontakte minimalisht të papërshtatshëm, por edhe mëkate penale, pislloqe njerëzore apo edhe dobësi porno-erotike. Zonja e sekreteve paralajmëroi si paradhënie pikërisht këto thembra Akili, ku shumëkush në Tiranë çalon rëndë. Paralajmëroi dalje në dritë të këtyre "sekreteve" publikë, që i dinë të gjithë.



"Kasaforta" e skandaleve dhe marrëdhënia e Vlora Hysenit me Ergys Agasin

Një drejtues disa vjeçar shërbimi padyshim që ka pushtetin e informacionit. Është gjithashtu edhe dëshmitar i dobësive të njerëzve të pushtetshëm në Tiranë. Kur edhe një amator në këtë punë si Agasi, ka tmerruar dynjanë me serinë e regjistrimeve të fshehta që ju kishte bërë "mysafirëve" në zyrën e tij e gjetkë, është e lehtë të imagjinohet se çfarë mund të ketë pasur në kasafortë zonja Hyseni që kishte një ushtri shtetërore informatorësh në dispozicion.

Në zyrën e zotit Agasi ne ish-Bllok, në vilën në një resort në periferi të Tiranës apo dhe në një zonë rezidenciale në plazhin e Durrësit, ka parakaluar një armatë e palavdishme shqiptarësh të pushtetshëm. Mes tyre edhe ministra, deputetë të shumtë të majtë e ca më pak edhe të djathtë, gjyqtarë e prokurorë, drejtues te lartë të policisë, njerëz të rëndësishëm të medias, biznesmenë shumë të njohur që mund të kenë pasur nevojë për forcën e armëve e të tjerë që nëpërmjet armëve si zanat, ishin shndërruar në biznesmenë.

Kontaktet me Agasin në atë kohë ishin një aset, një mundësi për karrierë në pushtet e biznes, një shans për të zgjidhur probleme, për të qenë pjesë aleancash fluide e për të ndryshuar raporte forcash. Madje edhe brenda partisë që qeveris vendin e kryesisht brenda saj. "Çifti" që shkëmbente pasion, përkushtim e interesa okulte, padyshim që ka shkëmbyer edhe informacione të tilla.



Ekskluzive/ Si u zbërthye Vlora Hyseni nga Ergys Agasi

Sikur edhe kaq të kishte në dispozicion zonja Hyseni, subjektet e këtyre përgjimeve kanë të drejtën e Zotit t'u prishet gjumi për shumë kohë. Dhe meqë ish-shefja e shërbimit përmendi dhomat në hotele, pa gjumë do të mbeten edhe ata kanë gdhirë netë të bardha, po shumë të bardha, në periferi të Tiranës, në vila luki të harbuar e në shoqërinë e një listë mbresëlënëse me eskorta shëtitëse VIP. Të cilat prej kohësh, një pjesë të mikpritësve të tyre, i kanë shndërruar në barcaleta pa shumë kripë me dashnorët e rinj.


Fatmirësisht dy prokurorët e dosjes, Altin Dumani dhe Bledar Maksuti dhe së paku një numër mbresëlënës agjentësh të BKH-së, nuk janë në këtë listë. Dhe së paku deri më tani, si përfaqësues të akuzës publike, i kanë të dyshuarit e tyre me hakmarrjen e shtetit në gjykatë.



EKSKLUZIVE/ Biseda private në aplikacionin "Signal", Hyseni dhe Agasi 508 telefonata dhe video

Ndaj fjalja arrogante dhe brutale që zonja Hyseni derdhi mbi gazetaren Lala, në fakt është një breshëri mitralozi e shkrehur në ajër pikërisht mbi kokat e kësaj turme laramane individësh. Të cilët i bashkon pushteti, paraja, vaniteti, krimi dhe përshtatja me rregullat e liga të stabilizuara për të pasur sukses. Tani e më tej, ata i bën njësh edhe frika nga e nesërmyja e panjohur.

Ish-shefja e SHISH nuk hapi kutinë e Pandorës. Ajo dëshmoi se ka pasword-in e saj. Paralajmëroi se së paku mund të prishë gazin e atyre që kanë nisur festën për rrënimin e saj. Madje edhe shumë më shumë se kaq, zonja Hyseni duket se paralajmëron edhe hakmarrjen e të mbyturit që mbyti. Njëllloj siç premtonte në mesazhet e saj plot përkushtim: "Na kanë bërë shumë gjëra, o shpirt! Dua që ata të paguajnë!". / CNA





Të sugjeruara

VLORE MOJ NUR I PUSHTETIT

Skandal nas skandali/ Nië nalo shtet anëtar i NATO-s

Po tani, kush do ta shpëtojë Shqipërinë nga turpërimi?!

TRADHËTIA NDAJ SHETIT

Kur kryeministri është edhe president dhe presidenti ndihmës i kryeministrit

Tani i Madh, Topi i Madh

Patriotët selektivë të patriotizmit selektiv

Disa sugjerime për konstatim të përbashkët të gjendjes pas Aktgjykimit të 16 shtatorit

Horizonti i Elbasanit

TË RROFTË EMRI...

Orët e Tiranës

Bëhu si Roni të kesh sukses në Shqipëri!

Bojkotoni takimet me politikanët e Shqipërisë që mbajnë peng demokracinë!

Kurbani i fundit për Kosovën/ Drejtësia e lupës politike dhe dora e historisë

Tirana pa kokë dhe medikamenti i kryeministrit

Dy fjalë të fundit për histerinë folklorike kundër ngritjes së Muzeut Hebraik në Vlorë

Ekspertët zbulojnë shtatë sjellje të çuditshme që mund të lidhen me inteligjencën e lartë

Dëgjimet komuniste të Ramës për Reformën Territoriale

Keqkuptimi me takimet e së premtes!

Jo kundër Muzeut Hebraik në Vlorë, por kundër histerisë rreth tij

[editorial](#)

09:11 Editorial Bujar Leskaj

Të ndihmojmë SHISH-in të mbrojë shtetin nga krimi, dhe jo krimin nga shteti!!

CNA LIVESTREAM



Na ndiqni edhe në

Pamja këtu është e ri-koduar për ta futur në dokument. Artefakti autoritar është skedari WebP i ruajtur, dhe hash-i i tij është ai i shtypur te faqja e parë — pra dallimi është i verifikueshëm, jo i fshehur.